

Ես եւ Մարգարիտը միասին համբուրեցինք սուրբ մասունքները եւ այն օրից ուխտեցինք մնալ միմեանց հետ որպէս քոյր եւ եղբայր: Մարօն համբուրոնց Մարիամի եւ Մագթաղիհետ, իսկ մայրս պառաւ Խաթունի հետ, որ վերջացնելով իր գործը, եկել էր ժամ:

Տիրամօր վանքի ներսի կազմակերպութիւնը ուներ նոյն ձեւը, որը տեսնուում է այս կողմերում այն վանքերի մէջ, որոնց շինութեան հնութիւնը հասնում է մինչեւ հինգերորդ դարը, այսինքն՝ տաճարը բաժանուած է նախագահիթից, որ կոչում են դարպաս: Ժողովուրդը կանգնած է դարպասի մէջ, իսկ տաճարում կատարում է ժամերգութիւնը, այնպէս որ, հանդիսականները դպիրներին չեն տեսնում: Մի դուռ միայն տաճարից բացուած է դարպասի մէջ, որտեղից պատարագիչը երբեմն դուրս է երեւում, խորհուրդը կատարելու ծեսերին համաձայն:

Տաճարի մէջ կատարում էր սուրբ սեղանի խորհուրդը. թէւ պատարագիչը չէր երեւում, բայց ես իսկոյն նրա ձայնից ճանաչեցի վարժապետիս՝ տէր Թողիկին: Թոյլ տալ մի օտարերկրեայ քահանայի պատարագ մատուցանել վանքի բեմի վրայ, այն եւս մի այնպիսի հանդիսաւոր օրում, դա մեծ շնորհ էր վանահօր կողմից դէպի տէր Թողիկի անձնաւորութիւնը: Դա ուներ եւ իր նիւթական օգուտը, որովհետեւ, որքա՞ն բազմաթիւ ձեռքերից նա այնօր նոէրներ ընդունելու էր նրանց անունները սուրբ սեղանի վրայ «յիշելու համար...

Այս իրողութիւնը դարձրուց իմ առանձին ուշադրութիւնը դէպի տէր Թողիկը:

Մի այլ երեւոյթ, որ ոչ սակաւ գրաւեց իմ ուշադրութիւնը, այն էր, որ այնտեղ, ուր բեմի վրայ շարած էին վանքի սրբութիւնները համբուրելու համար, վարդապետների թւում կանգնած էր մի քուրդ, եւ հսկում էր նոէրների վրայ, որ համբուրող ուխտաւորները ընծայում էին: Մի այլ քուրդ եւս նոյն պաշտօնով կանգնած էր տիրամօր գերեզմանի մօտ:

Ինձ ասացին, թէ քոդերը Յեյդար աղայի մարդիկն են, որոնք պահպանում են ուխտաւորներից նոիրոած արծաթը, որ վարդապետները անհաւատարիմ կերպով չվարոեն նրա հետ, եւ աղան կարողանայ ամբողջութեամբ ստանալ իր մասը, որ նշանակուած է նրա համար տօնի եկամուտից: Եւ ասացին, թէ ինքը Յեյդար աղան գտնուում է վանքում եւ վանահօր մօտ հիւր է: